



UNIVERSITÄTS-
BIBLIOTHEK
PADERBORN

Universitätsbibliothek Paderborn

Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

G. Archidiacono, Cantori, & Cancellario Tornacen.

urn:nbn:de:hbz:466:1-20006

illibata, scilicet aliorum jura volumus illibata servare. Si verò factum vestrum cupitis apost. protectionis munimine roborari, sine quo validum esse non potest, ne si fortè ventus tempestatis insurgat, diruat ædificium quod super arenam invenir fabricatum, cum eisdem Cardinalibus tractatum ipsum ad honorem & profectum Ecclesiæ, commodum & defensionem vestram, taliter moderemini, ut eum honestè possimus & rationabiliter acceptare; ne si fortè secus egeritis, cum tempus tentationis advenerit, sine sedis apostolicæ patrocínio subsistere non possitis, & contingat novissima vestra fieri deteriora prioribus; ut gladius vos devoret, quem timeris. Scituri quòd interdictum positum in civitate Pisana duximus relaxandum; ita tamen quòd cum tractatus ipse juxta consilium nostrum à vobis fuerit moderatus, nisi Pisani pariter in hoc vobiscum conveniant, in eos interdicti sententia revocetur. Datum Romæ apud sanctum Petrum xv. Kalend. Maij, pontificatus nostri anno primo.

In eundem ferè modum Consulibus & populo Perusinis. In eundem modum Consulibus & populo Assinatibus. In eundem ferè modum P. Basilicæ XII. Apostolorum & B. ut. sancti Petri ad vincula Presbyteris Cardinalibus.

PETRO CANONICO
sancti Hilarij Pictaven. nepoti quondam
magistri Aimerici de Partiniaco.

Epist. 89.
Præbenda sui
avunculi in
Ecclesia S. Hilarij Picta-
vencis donatur.

Plenitudinem potestatis, quam ab eo qui est pater misericordiarum accepimus, cum eis debemus potiùs dispensare cum quibus misericorditer est agendum: qui si fortè (quod absit) misericordes, sicut & pater noster misericors est, in hujus dispensationis officio non essemus, meritò nos tangeret inter alios dispensatores Apostolus, de quibus illam quæstionem inducit: *Iam quæritur inter dispensatores, ut fidelis quis inveniat.* Vnde tanto cautiùs agere nos oportet, quanto ea quæ sub hujus considerationis intuitu statuuntur à nobis, stabilitate volumus persistere firmiori. Defuncto siquidem nuper in Vrbe bonæ memoriæ magistro Aimerico de Partiniaco avunculo tuo, misericordia moti fuimus erga te, quem vidimus omni consilio & auxilio destitutum, & audivimus in Can-

cellaria nostra fuisse fideliter conversatum. Vnde nos propter hoc ad provisionem tuam vehementius excitati, ad desolationis tuæ remedium præbendam, quam idem avunculus tuus in ecclesia S. Hilarij Pictaven. olim habuerat, sicut de plenitudine potestatis nobis concessa licebat, tibi misericorditer duximus concedendam, te per anulum propriis manibus solenniter investientes de ipsa. Ut igitur quod super præbenda ipsa de te factum est, robur in posterum obtineat firmitatis, & ne temeritate cujuslibet valeat immutari, investituram ipsam auctoritate tibi apostolica confirmamus, & præsentis scripti patrocínio communitus. Decernimus ergo &c. Datum Romæ apud S. Petrum xv. Kalend. Maij, pontificatus nostri anno primo.

G. ARCHIDIACONO,
Cantori, & Cancellario Tornacen.

Sicut ex literis dilectorum filiorum Præpositi & Capituli Antuerpien. nobis innòtuit, cum bonæ memoriæ C. Papa prædecessor noster eis dederit in mandatis ut L. clericum in Canonicum Ecclesiæ suæ reciperent & in fratrem, stipendium ei ecclesiasticum assignantes, ipsi attendentes quòd literæ illæ fuerant veritate tacita impetratæ, utpote quia idem L. plura habebat ecclesiastica beneficia, de quibus honestè poterat sustentari, quorum in ejusdem prædecessoris nostri literis mentio fiebat, præbendam vacantem Gulielmo Clerico nullum habenti ecclesiasticum beneficium contulere. Verùm dictus Lambertus accedens ad eorum Ecclesiam, in ea nomine dictæ præbendæ per quosdam Abbates, quos secum duxerat, petiit installari. quod quia obtinere non potuit, tam ipsos Præpositum & Canonicos quàm dictum G. ad sedem apost. appellavit, & eos postmodum coram officialibus venerabilis fratris nostri Remensis Archiepiscopi vocari fecit ad causam. sed coram eis statuto termino noluit comparere. Cumque post hæc ad dilectos filios sancti Remigij & sancti Nicasij Abbates & Decanum Remensem idem L. literas super hoc apostolicas impetrasset, & ipsi vires suas dilecto filio nostro magistro Sigerio Cameracen. Archidiacono commississent; quia ipse nec de causa cognoscere nec exceptiones admittere voluit, dictus

Epist. 90.
De collatione
cujusdam præ-
bendæ in Eccle-
sia Antuerpia-
na.

dictus G. ad apostolicæ sedis audientiam appellavit. Cum autem G. procurator ejus ad nostram præsentiam accessisset, B. Clericus ex parte præfati L. se ei adversarium esse proposuit. Vnde eis dilectum filium nostrum G. S. Maria in Aquiro Diaconum Cardinal. concessimus auditorem: ex cuius postmodum relatione cognovimus quod cum idem B. pluries vocatus ad causam fuisset, multoties à præsentia dicti Cardinal. discessit contumax, & tandem à præsentia nostra se penitus absentavit. Ne igitur causa ipsa remaneat diutius indecisa, discretioni vestræ per apostol. scripta mandamus quatenus si vobis constiterit de præmissis, quicquid in eisdem G. & Capituli post appellationem ad nos legitimè interpositam præjudicium fuerit forsitan attentatum, in irritum revocantes, quod de ipso G. canonicè factum est, appellatione remota ratum haberi faciatis & firmum, & mandatis irrevocabiliter observari, & dictum L. à molestatione ipsius monitione præmissa per censuram ecclesiasticam appellatione postposita compescentes, faciatis eundem G. ipsius præbendæ (sicut justum fuerit) pacifica possessione gaudere. Nullis literis obstantibus harum mentione non habita &c. Quod si omnes, duo vestrum &cet. Datum Romæ apud sanctum Petrum Idibus Aprilis, pontificatus nostri anno primo.

EPISCOPO ALIFANO.

I Vstis petentium &c. usque ad verbum illud complere. Sanè quia, sicut nobis exponi fecisti, pro reparatione Ecclesiæ tuæ multorum teneris onere debitorum oppressus, nos tuis gravaminibus providere volentes, auctoritate tibi præsentium indulgemus ut tenimentum quod Petrus Iudicis Guilielmi nunc mortuus olim habuisse proponitur, si absque præjudicio juris alieni fieri potest, sub locatione debita secundum approbatam Ecclesiæ tuæ consuetudinem tibi liceat retinere. Nulli ergo omnino &c. Datum Romæ apud sanctum Petrum XVII. Kalend. Maij, pontificatus nostri anno primo.

DILECTO FILIO
fratri Rainerio.

A Vtor novi & veteris testamenti Dominus DEUS noster, ut confunderet fortia, humilia frequenter elegit in veteri synagoga, in Patriarchas & Reges de posteritate assumens, & in nova Ecclesia gentium in Apostolos eligens piscatores. Qui cum Ecclesiam sponsam suam prole multiplici fecundavit, ponens filios ejus sicut novellas olivarum in circuitu mensæ suæ, nos, quos ipse, licet immeritos, erexit de stercore, & de pulvere suscitavit, & Petri voluit solum obtinere, quamvis majoris auctoritatis viros, utpote cui tanquam capiti universa membra Ecclesiæ obsequuntur, in partes Hispaniarum ad pacem inter Principes reformandam & dissolvendas colligationes iniquitatis destinare possemus, tibi tamen exemplo ejus qui elegit humilia, hoc onus sollicitudinis duximus injungendum, ut humiles humiliter foveas, & punias fortius contumaces. Sanè ad audientiam nostram pervenit quod cariss. in Christo filius noster Rex Castellæ illustris Regi Legionensi, qui eum secundo gradu consanguinitatis contingit, filiam suam, neptim illius, ne copulare dicamus, supponere incestuosè præsumpsit, ponens carnem brachium suum, ac credens per ipsum persecutionem effugere imminentem, non attendens quod maledictus homo qui spem suam ponit in homine, & quod non est consilium contra Deum. Vnde nos eorum utrique dedimus in mandatis ut tam turpem contractum, abominabilem in conspectu Domini, & iudicio fidelium detestandum, omni dilatione & excusatione postpositis revocent, & universas colligationes impietatis dissolvant, quas inter se sub hujus incestus specie inierunt. Accepimus etiam quod Rex Navarorum treugas cum dicto Rege Castellæ initas fregit, & castella fidelitatis per violentiam occupavit. propter quod à dilecto filio nostro G. S. Angeli Diacono Cardin. tunc apostol. sedis Legato excommunicationis in personam ejus & in terram interdicti promulgata fuit sententia. Ideoque discretioni tuæ per apostol. scripta mandamus quatenus dictos Castellæ & Legionen. Reges ad revocandum contractum tam illicitum juxta

Epist. 92.
De revocandis
incestis nuptiis,
& servando for-
dere pacis.

Epist. 91.
Quod pro tēpli
reparatione a-
liquod locare
queat.